

御纂醫宗金鑑卷五十四

編輯幼科雜病心法要訣目錄

痰證門

痰證總括

燥痰

清氣化痰丸

蘇葶痰丸

濕痰

小枳桔二陳湯

桂苓甘朮湯

疝證門

疝證總括

寒疝

烏頭桂枝湯

金葉丸

濕熱感寒疝

烏頭梔子湯

胎疝

十味蒼蘗散

金鈴散

川棟丸

陰腫

疎風五苓散

加味五苓散

導赤散

加味守效丸

小腸氣

加味香蘇散

加味失笑散

胡盧巴丸

淋證門

淋證總括

寒淋

五苓散

熱淋

十味導赤湯

八正散

石淋

葵子散

八正散

血淋

小蘗飲子

五淋散

頭痛門

頭痛總括

風寒頭痛

清室膏

內熱頭痛

加味茶調散

腹痛門

腹痛總括

食痛

小承氣湯

香砂平胃散

寒痛

理中湯

蟲痛

錢氏安蟲散

加減理中湯

內食外寒腹痛

藿香和中湯

黃疸門

黃疸總括

陽黃

茵陳麻黃湯

茵陳蒿湯

茵陳五苓散

陰黃

茵陳理中湯

茵陳四逆湯

水腫門

水腫總括

風水腫

越婢湯

濕水腫

貼臍法

沉香琥珀丸

風濕腫

疏鑿飲

茯苓導水湯

蘇葶丸

舟車神祐丸

陽水

大聖濟川散

舟車神祐丸

陰水

實脾散

金匱腎氣丸

腹脹門

腹脹總括

虛脹

香枳四君子湯

實脹

加味平胃散

小承氣湯

三

四

五

六

實

金

七

水

八

九

水

十

水

十一

水

御纂醫宗金鑑卷五十四

編輯幼科雜病心法要訣

痰證門

痰證總括

痰因津液不四布陰盛為飲陽盛痰稠黏黃色為燥熱清稀色白乃濕寒

註

痰者水穀所化之津液不能四布留於胸中而成者也多

因飲食無節或乳食過食厚味脾胃不能運化而生若陰

氣素盛則化而為飲陽氣素盛則化而為痰稠黏黃色澁

滯難出謂之燥痰清稀色白滑而易出謂之濕痰二者或

宜清潤或宜通利治各不同也

燥痰

燥痰肺燥澀難出氣逆喘欬臥不舒面紅口乾小便赤清氣化痰滾痰孕

註

燥痰者痰因火動也火盛則痰多燥黏氣逆喘咳夜臥不寧面赤口乾小便黃赤輕者用清氣化痰丸清之重者用蘇葶滾痰丸下之

清氣化痰丸

膽南星

九轉

半夏

各一兩五錢
薑製

橘紅

枳實

麩炒

杏仁

炒去皮尖

桔萸仁

去油

黃芩

酒炒

白茯苓 各一兩

右爲細末薑汁爲丸淡薑湯化服

蘇葶痰丸

方見食積欬嗽

濕痰

濕痰脾濕懶飲食倦怠嗜臥面色黃痰多枳桔二陳劑飲多桂

苓甘朮湯

註

濕痰者因小兒過食生冷油膩之物有傷脾胃遂致脾土

虛濕不能運化而成濕痰滑而易出脾虛不運故懶食脾

主四肢故倦怠嗜臥脾屬土故面色多黃痰多者宜用枳

桔二陳湯加蒼朮白朮除濕化痰飲盛者須用桂苓甘朮

湯扶陽散飲調治合宜而痰自化矣

枳桔二陳湯

方見規乳

桂苓甘朮湯

茯苓

桂枝

甘草

生用

白朮

上炒

引用生薑水煎服

方歌桂苓甘朮濕痰飲除濕利飲更扶陽茯苓桂枝生甘草白

朮土炒引生薑

疝證門

疝證總括

諸疝厥陰在脈病外因風寒邪聚凝內因濕熱爲寒鬱證皆牽
畢引腹疼胎疝多因稟賦病總審熱縱寒痛疼血左不移氣右
動濕則墜重虛墜輕

註厥陰環陰器入少腹任脈起於中極之下以上毛際循腹

裏上關元故諸病疝莫不屬之也小兒病此多因先天不
足本藏虛弱復因外感風邪內食生冷寒邪凝結而成者
有之或因濕熱鬱於中復被寒邪束於外邪氣乘虛并於
血隊流入厥陰厥陰屬肝其性急速故牽引畢丸少腹絞

痛也又有胎病一證多因孕婦啼泣過傷動於陰氣結聚不散令兒生下即成此證者大抵熱則多縱寒則多痛在血分者不移在氣分者多動濕腫墜則重虛腫墜則輕因證施治自切中病情矣

寒疝

寒濕內蓄日已深復被風冷水氣侵囊令硬痛成寒疝烏頭桂枝金菜神

註

寒疝者因兒平日過食生冷或臥濕地以致陰結於內氣滯不行爲日既久復爲風冷所束水濕所傷故發時囊令結硬牽引少腹作痛初得之兼表者以烏頭桂枝湯主之

寒甚者以金菜丸治之

烏頭桂枝湯

桂枝

赤芍藥

甘草
炙

烏頭

引用生薑水煎服

方烏頭桂枝治寒疝解表溫中法最良廣桂枝同赤芍藥烏

頭甘草引生薑

金菜丸

金鈴子肉

一兩

吳茱萸

五錢

右爲細末酒煮麴糊爲丸如麻子大每服數丸鹽湯下

濕熱感寒病

厚味過度生濕熱復觸風寒病氣成囊縱紅腫常刺痛烏頭梔子服即寧

註小兒平素過食厚味致生濕熱濕熱之氣下行流入腹中復為風寒所束而病證成矣發時囊縱紅腫常常刺痛當以烏頭梔子湯調治之庶病可愈矣

烏頭梔子湯

烏頭

梔子

炒

右用順流水入薑汁煎服

歌方濕熱感寒病氣疼烏頭梔子湯最靈梔子烏頭薑汁共順

流水煎病即寧

胎病

胎病多因母過啼兒生胞硬痛無時輕用十味蒼蘗治重用金

鈴川棟宏

註

胎病者因孕婦啼泣過傷氣結不散蘊於胞中令兒生下

胞硬疼痛輕者十味蒼蘗散主之重者以金鈴散或川棟

丸主之

十味蒼蘗散

青皮

醋炒

川附子

炮

黃蘗

南山查肉

酒炒

蒼米

米泔水浸

香附

製

益智仁

元胡索

醋炒

桃仁

甘草

炙

引用小茴香水煎服

方
調十味蒼藥治胎疝青皮川附藥查蒼香附益智元胡索桃

仁甘草引茴香

金鈴散

三棱

莪朮

各三錢

陳皮

赤茯苓

各五錢

茴香

三錢

甘草

二錢

檳榔

枳殼

各三錢
麩炒

釣藤鈎

青皮

各四錢
炒

南木香

三錢

金鈴子肉

一兩